

之高邑遂幸于鄴帝至鄴巡登臺榭遍覽宮城將有
定都之意乃置行臺以龍驤將軍日南公和跋爲尚
書與左丞賈彞率郎吏及兵五千人鎮鄴帝自鄴還
中山所過存問百姓詔大軍所經州郡復貲租一年
除山東民賦租之半二月車駕至自中山幸繁峙宮
三年五月己巳東巡遂幸涿鹿西幸馬邑觀澧源七
月壬子還宮

六年九月行幸南平城規度南面夏屋山背黃灰堆
將建新邑辛未還宮

天賜元年十有二月戊辰幸伐山宮